



Nuuk 22. maj 2020

UPA 2020/38

Jens Napätök, Partii Naleraq

**Kommunik aqqissusseqqinneq nalilersortariaqalenera pillugu apeqquteqaat aallaavigalugu oqallisissiaq.**

(Inatsisartunut ilaasortaq Aqqalu C. Jerimiassen, Atassut)

Partii Naleqqamiit siullermik qutsavigersupparput Atassut sinnerlugu Inatsisartunut ilaasortaq Aqqalu C. Jerimiassen kommunik aqqissusseqqinneq nalilersortariaqarnera pillugu apeqquteqaat aallaavigalugu oqallinnissamik siunnersuutaanut.

Kommunerujussuit pilersinniarnert ukiorpassuarni eqqartorneqareerlutik pitsaaqutissarpasui allavigalugit pilersinneqarnikuupput, siunertaralugu allaffiit qaffasinnerusumik piginnaanillit taamaaliornikkullu innuttaasunut pitsaanerusumik kiffartuuisinnaalersussat. Aningaasartuutit annikinnerulernissaat taamaaliornikkullu innuttaasunut aningaartuutissat annerulerneranik kinguneqartussat. Allaffissorneq annikinnerugaluarluni teknikkikut pisinnaasatigullu qaffasinnerusumik inissisimalernissaq.

Aqutseriaatseq qitiutillugu allaffissornermilu sipaaruteqarnissaq taamatullu ilisimatuussutip tungatigut pitsaaqutaasussanik oqariartorfiusimasut imaaginnavissimapput.

Taamatut anguniagaqarnermi inuk pitsaanerusumik akikinnerusumillu kiffartuunneqarnissaa takorloorneqarsimavoq.

Ukiut amerlasuut qaangiussimalerneranni maanna nalilersuineri ersarilluinnarpoq inuk sallunnagu periutsit suleriaatsillu taamatullu allaffissornermi periutaasussat sallinngorsimanagerat.

Sumiiffiit inukinnerusut tassalu illoqarfiit mikinerit, nunaqarfiit amerlanerit misigisimasorpassuupput pilliutaasimallutik, allaat siornatigut ineriartorneq ingerlasimagaluartoq allaat unittoorluinnarsimalluni sumiiffinni amerlasuuni.

Illoqarfiit anginerit tamaviaaruteqarlutik suliniuteqaraluarput sumiiffiit mikinerit naammagartumik inissinniarnissaat qulakkeerniarlugu.

Teknikkikut qaffasissumik inissisimaneq aammalu aningaaqarnikkut qaffasissumik ilisimasaqarnek pilersaarusernermi aqutseriaatsinilu pingaartinneqartut aqutseriaatsimi

peruserineqartut sumiiffimmi periutsinut ilisimasaqarnernut aammalu kinaassutsimut politikikkut periutaasimasut inuiaqatigiinnut naleqquttuujunnaaginnaratik sumiiffimmi kinaaseq annaaneqarnerani illersuisinnaaneq annaaneqarneranik kinguneqarsimavoq.

Sumiiffipassuarni inuppassuit sineriammi isorartoqisumi najugaqartut misigisimapput kinaassutsimikkut immikkuullarissutsimikkut avatangiiserisamikkullu illersugaanatik suliniuteqarfi-



partii naleraq

Nuuk 22. maj 2020

UPA 2020/38

Jens Napätök, Partii Naleraq

gineqaratillu misigisimallutik inissisimasunik. Qanimut paasineqarsinnaallutik misigisimangillat aammalu illersugaanatik misigisimasorpassuupput teknokratiimik pilliutaallutik misigisimallutik.

Kinaassusiiagaallutik misigisimapput illersorneqarsinnaagatik misigisimapput, saaffiginnissuteqartarluartik akissuteqarfigisaratik inissisimanertik peqquataalluni kinaassusiaagaasutut misigisimasorpassuupput tupinnangitsumik.

Kommunit kattussuunneri ilutigalugit allaffimmi qaffasissumik kiffartuunneqarsinnaaneq neriuutaasimavoq illoqarfinni anginerniit ikorfartorfiusinnaasoq takorloorneqarsimammat, akerlianit innuttaasut misigisaqarput, sulisut pikkorinnerit piginnaasaqartut illoqarfinnut anginernut nuussorneqarsimapput, sumiiffinni mikinerni piginnaasallit annaajortorneqarlutik. Nuukkumanngitsut soraarsitaanissamik allaat siorasaarneqartaramik nuuttariaqartarlutik, ilaalu ukiorpassuit sulisimasut nuukkumanngitsut soraarsitaasarsimallutik. Allaffik nunap inuinit nukittunerulertussaqaq sumiiffinni mikinerusuni sanngiinnerulersutut innuttaasut misigiinnarsimangilaat aamma ammasarfii annikillisaaffigineqarujussuarsimapput saaffiginninniarsinnaanissaq ajornarningorujussuarlugu.

Sumiiffippassuarni sanaartorneq siornatigut ingerlalluarneqartarsimasoq agguariaatsit assigiinngitsut aqqutigalugit aningaasalersorneqartarsimasagaluit uninneritigut, allaat soorlu Upernavik aggerfigara assersuutitut qiviaraanni ukiorpassuarni sanaartorfigineqarani inissisimalersimavoq. Inissianik sanaartortoqanngilaq innuttaasut aammalu minnerunngitsumik inuusuttut nammineq initaarusullutik pigaluarput, kisianni ukiuni amerlasoorujussuannngortuni sanaartortoqarani inissisimajuarsinnarpoq.

Taamatut Upernavik kisimi misigisimangilaq. Inoqarfiit amerlaqisut taamatut inissimasorpassuupput. Sumiiffiit mikinerit tamarmik misigisimapput puigugaallutik pilliutaallutillu illoqarfissuit kisimik inerisaaffigineqartut.

Demokrati inuit tamarmik oqartussaanerit unammillerneqarpoq, borgmesterit tamaviaaruteqaraluarput sumiiffiit ilaatigut tikinniartaraluarpaat, sumiiffiit ilaanni takuneqartanngillat ilaatigullu qaqtigut tikittartut nunarput isorartungaarmat sumiiffimmini illersugaanatik kinaassusertilu illersugaanngitsoq misigisimallugu.

Nunap inuisa taamatut misigisimanerat oqartussaasutut inissisimanermi tusanngitsuusaaginnarneqarsinnaanngillat qanoq iliuuseqartoqartariaqarpoq.

Naalackersuisut kommunit kommunerujussuannngortissimaneri nalilersoqqittariaqarpaat innuttaasut nunap inui qanimut suleqatigalugit.



Nuuk 22. maj 2020

UPA 2020/38

Jens Napätök, Partii Naleraq

Partii Naleqqamiit isumaqarpugut nunap inuisa isummersonerat tusaaneqartariaqartoq aammalu sumiiffikkaartumik nammineq toqqartariaqaraat kommuniussanerlutik taasinermit.

Taasisoqarnissaanut pitsaanngequtai pitsaaqutaalu pillugit inuit nassiuiaaffigineqartariaqarput illua tungeriit tamarmik tusaaneqarlutik amerlanerussuteqartullu isumaat malillugit aqqissuuisoqarnissaanik innuttaasut aaliangernerat ataqqillugu aqqissuusseqqittoqartariaqarluni.

Partii Naleqqamiit ilanngullugit nunaqarfiit anginerit kommuningorsinnaanerit ilanngullugu nalilersorsagaat kissaatigalutigu kaammattuutigersupparput, soorlu assersuutitut taasissagutta taasinnaasatta ilagaat Kullorsuaq inuttusiartuinnaartoq taamatullu nunaqarfik siuarsimalluartut ilagisimasaat aalisartoqarfissuusimasorlu Alluitsup Paa ilanngunneqarnissaat kaammattuutigalugit.

Kommunerujussuit pilersinneqarneranni anguniagaq angusimanngilarput allaffissornikkut aningaasartuutit appartinnissaat, sulisut ikinnerulernissaat, pitsaanerusequmik innuttaasunut kiffartuussinissaq innuttaasut misigisimanngilaat. Sumiiffippassuarni unittuuvissimallutik illersorneqaratik kinaassusiaagaasimanertik misigisimasut, taamatut misigisimajunnaarlutik nammineq aaliangeeqataaffiginiarlissuk qanoq inissisimarusunnerlutik. Innuttaasut nunap inui sumiiffikkaartumik ataqqillugit aqqiisariaqartugut Partii Naleqqamiit isumaqarpugut.

Taamatut oqaaseqarluta kommunini aqqissuusseqqinneq pillugu nalilersuinissaq pillugu nunap inua qitiutillugu aqqiisoqarnissaa innerssuussutigalutigu oqallisissiamut oqaaseqaateqarpugut.

Qujanaq